



協修 臣鄒炳泰 恭校  
戴均元

續通志

列傳 三十

宋

吳育

宋

綬 子敏求

從子昌言 李若谷

子淑

王博文

子疇

王

駿

吳育字春卿建州建安人父待問累官禮部侍郎育舉進士試禮部第一中甲科除大理評事遷寺丞歷知臨安諸暨襄城三縣自秦悼王葬汝州其後子孫從葬及歲時上冢皆以宦官典護頗擾州縣育請凡官所須皆具成

按吳育為鹽鐵判官墓誌銘  
不載謹加案聲明

數母容使者妄索民甚便之宗子所過縱鷹犬暴民田  
及入襄城境輒相戒約毋敢縱者舉賢良方正擢著作

郎

按歐陽修撰墓誌銘作著作佐郎

直集賢院通判蘇州還知太常禮

院奏定禮文名太常新禮改右正言歷三司鹽鐵戶部

二判官

按文獻通考鹽鐵戶部度支謂之三司墓誌銘載育為戶部度支二判官未嘗為鹽鐵判官與

傳互異

知諫院元昊僭號議出兵討之育言元昊雖稱蕃

臣服叛不常請置之示不足責且已僭號勢必不能自  
削宜援國初江南故事稍易其名可以順拊而收之又  
言宜先以文誥告諭如尚不賓第嚴約束明烽候堅壁

清野以挫其鋒勿貪功輕進時方銳意征討不聽既而  
師久無功卒封元昊為夏國主如育所議育又言元昊  
見朝廷比年與西域諸戎不通朝貢乃得以利啗  
隣境固其巢穴無肘腋之患請募士諭嘉勒斯賚  
及他蕃部離散其黨與使併力以攻而均其恩賜因錄  
上真宗時通西域諸蕃事迹除知制誥為翰林學士遷  
禮部郎中契丹與元昊構兵元昊求納款契丹遣使請  
勿納元昊育因言契丹受恩已久不可納一叛羌以失  
其權萬一過計納之臣恐契丹窺兵趙魏朝廷不得元

吳毫髮之助。而太行東西。且有煙塵之警。宜使人諭元昊。當順契丹如故。然後許汝歸款。告契丹曰。已詔元昊。如能投謝轅門。即聽內附。若猶堅拒。當為討之。如此則彼皆不能歸罪我矣。於是召兩制同對。卒不易育議。尋知開封府。慶歷五年。拜右諫議大夫。樞密副使。未幾。除參知政事。山東盜起。帝遣中使按視。還奏盜不足慮。兗州杜衍。鄆州富弼。山東人尊愛之。此可憂也。帝欲徙二人於淮南。育曰。盜誠無足慮。小人乘時以傾大臣。非國家之福。事遂寢。向綬知永靜軍。為不法。疑通判江中立發

其陰事。因構獄。以危法中之。中立自經死。綬宰相子。大臣有營助。欲置輕法。育曰。不殺綬。無以示天下。卒減死一等。流南方。御史唐詢請罷制科。帝以付中書。育奏疏駁議。帝是育言。因諭輔臣曰。彼上言者。乞從內批。行下令。乃知欺罔也。育在政府。遇事敢言。與宰相賈昌朝數爭議。帝前。左右皆失色。育論辨不已。乃請曰。臣所辨者。職也。顧力不勝。願罷臣職。乃復以為樞密副使。明年大旱。御史中丞高若訥論奏。遂罷昌朝。并罷育為給事中。出知許州。徙蔡州。州故多盜。育嚴伍保之法。以檢制盜。

賊時京師有告妖人千數聚確山者。詔遣中使往招捕者十人。至則以巡檢兵往索之。育曰：「此特鄉民用浮圖法相聚，以利錢財爾。今以兵往，是趣之亂也。」頃之，召十人至，械送闕下，皆無罪，釋之。而告者伏辜。以資政殿學士歷徙陝州。又上書論詔獄為不便，遷禮部侍郎。知永興軍，以疾授集賢院學士。判西京留司御史臺。疾少間，復知陝州。進資政殿大學士。召還，判尚書都省。一日侍讀禁中。帝因語及臣下毀譽，多出愛憎。育曰：「知而形之言，不若察而行之事。聖主之行，如日月之明，進一人，使人

皆知其善，出一人，使人皆曉其惡，則陰邪不能構害，公正可以自立。此要道也。」帝嘗言吳育剛正可用，特疾惡太過耳。數欲大用，為諫官劉元瑜誣奏。育在河南，嘗貸民出息錢。久之，除宣徽南院使、鄜延路經畧安撫使。判延州。疾復作，辭不任邊事。復以為資政殿大學士、尚書左丞，知河中府。徙河南。卒。贈吏部尚書。謚曰正肅。育性明果，所至作條教，簡疎易行，而不可犯。遇事不妄發，發即人不能撓。初，尹開封，范仲淹在政府，因事與仲淹忤。既而仲淹安撫河東，有奏請多為任事者所沮。育取可

行者固行之人皆多之弟充自有傳。

宋綬字公垂。趙州平棘人。父臯。尚書度支員外郎。直集賢院。綬幼聰警。為外祖楊徽之所器愛。徽之卒。遺奏補太常寺太祝。年十五。召試中書。真宗竒其文。遷大理評事。復試學士院。為集賢校理。後賜同進士出身。遷大理寺丞。除左正言。同判太常禮院。又判三司。憑由司。建言比歲下赦。令釋逋負。後期未報者六十八州。請於諸路選官考覈。期半月以聞。於是脫械繫三千二百人。蠲積負數百萬。擢知制誥。天聖三年。為翰林學士。兼侍讀學

按儀坤廟見新唐書后妃傳及文獻通考謹加案聲明

士。遷尚書工部侍郎。時章獻太后猶稱制。五日一御承明殿。垂簾決事。而仁宗未嘗獨對羣臣。綬言宜如唐先天中制度。令羣臣對前殿。非軍國大事。除拜皆前殿取旨。書上。忤太后意。改龍圖閣學士。出知應天府。太后崩。帝思綬言。召還。將大用。宰相張士遜沮止之。復加翰林侍讀學士。詔定章獻明肅章懿太后祔廟禮。綬援春秋考仲子之宮。唐儀坤廟故事。按宋史作坤儀。考新唐書后妃傳及文獻通考載睿宗景雲元年。別立廟曰儀坤。以享昭成皇后。至開元中。肅明皇后亦依前儀坤廟安置。據此。則當作儀坤。本傳誤。今請別立宮曰奉慈廟。以安神主。從之。復置端明殿。

學士以命綬

按宋史作始置端明殿學士考職官志端明殿學士後唐天成元年置宋太宗改為

文明殿學士慶曆中改觀文明道二年復置端明殿學士以宋綬為之據此則是時乃復置非始置也今改

綬固辭又言陛下躬親萬務內外思見聖政頃太后朝多吝除拜而邪幸或徑取升擢議者謂恩出太后今恩賞雖行又謂自大臣出非大臣朋黨罔上何以得此朋黨之為朝廷患古今同之大吏市恩以招權小人趨利以售進此風寢長有蠹邦政整齊綱紀正在今日帝大感悟及張士遜罷遂拜參知政事初有詔罷修寺觀而章惠太后營王中正舊宅為道觀諫官御史言之帝曰

此太后奩中物也綬進曰彼豈知太后所為哉第見興土木違近詔爾郭皇后廢帝命綬作詔云當求德闕以稱坤儀既而左右引富人陳氏女入宮綬曰陛下乃欲以賤者正位中宮不亦與前日詔語戾乎會王曾呂夷簡亦論奏卒罷之時帝春秋富天下無事綬言人心逸於久安患害生於所忽宜飭勵羣司不以承平自怠又上馭下之道有三臨事尚乎守當機貴乎斷兆謀先乎密能守則奸不能移能斷則邪不能惑能密則事不能撓至若深居燕閒亦願愛養聖躬節宣順時再遷吏部

按宋綬加贈官職見子敏求墓誌銘謹加案聲明

侍郎時宰相呂夷簡王曾論議數不同綬多是夷簡而參知政事蔡齊間有所異政事繇此不決於是四人皆罷綬以尚書左丞資政殿學士留侍講筵權判尚書都省歲餘加資政殿大學士以禮部尚書知河南府俄召知樞密院事遷兵部尚書參知政事卒贈司徒兼侍中謚曰宣獻後贈太師中書令尚書令燕國公按宋史不載加贈官爵據范鎮所撰綬子敏求墓誌銘補子敏求敏求字次道賜進士及第為館閣校勘出為簽書集慶軍判官時修唐書以敏求為編修官累擢知制誥修仁

按宋敏求自絳州召還遷職見東都事略謹加案聲明

宗實錄兼判太常寺英宗在殯有言宗室服疎者可嫁娶敏求以為不可踰年又有言者敏求言宗室義服服降而練可嫁娶矣坐前後議異貶秩知絳州召還遷右諫議大夫按東都事畧載敏求自絳州召還遷右諫議大夫本傳於召還後不載其遷此職則下文以本官奉朝請句無根今改補王安石用事惡呂公著嘗論奏青苗之害誣其言韓琦欲因人心如趙鞅興晉陽之甲以逐君側之惡出知潁州敏求當草制安石諭旨使明著罪狀敏求但言敷陳失實安石怒白帝命陳升之改其語敏求因請解職未聽會李定自秀州判官除御史敏求又

封還詞頭。遂以本官奉朝請。遷龍圖閣直學士。卒。贈禮部侍郎。族弟昌言。

昌言字仲謨。以蔭為澤州司理參軍。遷河陰發運判官。既至。除凶盜六革。又縣吏與市井少年共為胥橐。昌言悉窮治之。擢都水監丞。熙寧初。河決棗彊而北。昌言建議欲於二股河口西岸新灘立土約障。水使之東流。候稍深。即斷北流。縱出葫蘆下流。以除恩冀深瀛水患。詔從之。提舉河渠王亞以為不可成。不如修生隄。朝廷遣翰林學士司馬光往視。如昌言策。不兩月。決口塞。遷開

封府推官。同判都水監。汴水漲。昌言請塞訾家口。已而汴流絕。監丞侯叔獻唱為昌言罪。昌言懼。求知陝州。歷濮冀二州。河決曹村。召判都水監。往護河堤。靈平埽成。轉少府監。卒。

李若谷字子淵。徐州豐人。舉進士。補長社縣尉。改大理寺丞。知宜興縣。官市湖泆茶。歲約戶稅為多少。率取足。貧下。若谷始置籍備勾檢。茶惡者舊沒官。若谷使歸之。民許轉質以償其數。歷京東轉運使。會河決白馬。調取芻楩。同列盧士倫迎合三司意。刻擾州縣。而若谷寬之。

士倫構於朝。徙知陝州。歷知荆南。王蒙正為駐泊都監。挾太后姻橫肆。若谷繩以法。監司右蒙正奏。徙若谷潭州。洞庭多盜。數邀商人船。殺人。輒投屍水中。前此捕獲多。以屍無驗。每貸死隸他州。久復逃歸為患。若谷擒致之。磔於市。自是寇稍息。徙滑州。河齧韓村堤。夜馳往督兵為大埽。至旦堤完。累遷右諫議大夫。知延州。州有東西兩城夾河。秋夏水溢。岸輒圯。若谷乃制石版為岸。押以巨木。後不復壞。官倉依山而貯。穀少。若谷使作露囤。囤可貯二萬斛。他郡多取法焉。遷給事中。知壽州。安豐

芍陂有南北兩渠。可溉田萬餘頃。因旱歲。豪右多侵耕其間。夏雨溢。壞田。輒盜決之。陂失灌溉之利。若谷擿冒

占田者逐之。每決輒調瀕陂諸豪使塞堤。盜決乃止。按

豐豪右。盜決芍陂事。宋史文於事理未晰。曾鞏撰若谷傳。所載較為簡明。今據參輯。累進尚書工

部侍郎。龍圖閣直學士。知開封府。拜參知政事。建言風

俗媿惡。在上之人作新之。君子小人各有其類。今一目

以朋黨。恐正人無以自立。帝然之。以耳疾辭位。罷為資

政殿大學士。吏部侍郎。提舉會靈觀。按東都事畧。宮觀置提舉。自若谷始。

以太子少傅致仕。卒。贈太子太傅。謚曰康靖。若谷性資

按曾鞏撰若谷傳。所載盜決芍陂事較晰。今據參輯。謹加案聲明。

按宮觀置提舉。始自李若谷。見東都事略。謹加案聲明。

端重。在政府。論議常近寬厚。治民多智慮。愷悌愛人。其去也多見思云。子淑。

淑字獻臣。年十二。真宗幸亳。獻其所為文。試授校書郎。稍遷大理評事。修真宗實錄。為檢討官。改光祿寺丞。集賢校理。為國史院編修官。召試。賜進士及第。改秘書郎。歷遷尚書禮部員外郎。上時政十議。改知制誥。為翰林學士。累擢右諫議大夫。知許州。歲饑。取民所食五種。上之。帝惻然。為蠲其賦。權知開封府。復為翰林學士。中書舍人言者論其在開封多褻近吏人。改給事中。知鄭州。徙

河陽。轉尚書禮部侍郎。復為翰林學士。淑初在鄭州。作周陵詩。國子博士陳求古以私隙訟其譏訕朝廷。乃除龍圖閣學士。出知應天府。父喪起復。再為翰林學士。諫官包拯、吳奎等言淑性姦邪。又嘗請侍養父而不及其母。罷翰林學士。後遷戶部侍郎。復為翰林學士。又為御史中丞。張昇等論奏。除兼龍圖閣學士。出知河中府。卒。贈尚書右丞。淑博習諸書。詳練朝廷典故。凡有沿革。帝多諮訪。制作誥命。為時所稱。初宋郊有學行。淑恐其先用。因密言曰。宋國姓而郊者。交非善應也。又宋初作張

貴妃制故事。妃當冊命。初疑進告身非是。以淑明典故問之。淑心知其誤。謂祁曰。君第進何疑邪。祁遂得罪去。其傾側險陂類此。子壽朋。慶歷初。與弟復圭同試學士院。賜進士出身。判吏部南曹。使行諸陵。奏言。昭憲皇后誕育二聖。為國文母。獨以合葬安陵。不及時祭。請更其禮。從之。歷知鳳翔府。括蕪田三萬頃。縱民耕之。擇其壯者使習兵。河方北涌。隨塞之。故道隘。壽朋度必東潰。諭居人徙避。後三縣四鎮果墊焉。進戶部鹽鐵副使。卒。次子復圭。初通判澶州。歷知涇州。始二稅之入。三司移折。

已重。轉運使又覆折之。復圭為奏免。民德之。歷湖北兩浙淮南河東陝西成都六轉運使。熙寧初。進直龍圖閣。知慶州。夏人築壘於其境。不犯漢地。復圭貪邊功。逼遣將李信等帥兵三千。授以陣圖。使自荔原堡夜出襲擊。敗還。復圭斬信等自解。又遣別將破其金湯。白豹。西和市。斬首數千級。按宋史夏國傳。李信。劉甫。種詠等敗還。去。惟殺所掠老幼一二百人。以功告捷。邊怨由是。大起。此云破其金湯等城。斬首數千。所載失實。秉常舉國入寇。御史謝景溫劾其擅興之罪。謫保靜軍節度副使。歷集賢殿修撰。知荆南。卒。

按李復圭遣將襲金湯夏國傳所載為得實謹加案聲明

王博文字仲明。曹州濟陰人。年十六。應舉開封府。後召試舍人院。為安豐主簿。歷改大理寺丞。遷殿中丞。以陳堯咨薦。試中書。賜進士第。擢知濠州。歷徙密州。負海有鹽場。歲饑。民多盜鬻。吏捕之。輒抵死。博文請弛鹽禁。候歲豐乃復。從之。除殿中侍御史。天禧中。朱能王先偽為乾祐天書。詔博文按劾。博文唯治首惡。脅從者皆得減死論。還為開封府判官。始博文幼喪父。其母張氏改適韓氏。及博文在朝。謂子無絕母禮。請得以恩封之。母死。又謂古之為父後者。不為出母服。以廢宗廟祭也。今喪者

皆祭。無害於行服。乃請解官持服。然議者以喪而祭為非。

禮服除。為三司戶部判官。歷陝西轉運使。屬羌薩卜喀舊作

撒逋渴寇原州柳泉鎮。環州鶻鶻泉砦。梧州刺史杜澄。內

殿宗班趙世隆戰沒。博文劾奏。內侍都知周文質押班王

懷信。為涇原環慶兩路鈐轄。提重兵。玩寇逗留。耗用邊

費。請用曹瑋。田敏代之。帝用其言。寇遂平。累遷龍圖閣

待制。判吏部流內銓。權發遣三司使事。與監察御史崔

暨。內侍羅宗勳。同鞠真定府曹汭獄。及還。權知開封府。

進龍圖閣直學士。知秦州。歷徙永興軍。改樞密直學士。

復知秦州。初沿邊軍民之逃者必為熟戶畜牧。又或以遣遠羗易羊馬。故常沒者數百人。其擒生羗則以錦袍銀帶茶絹賞之。間有自歸而中道為蕃部所得。坐法皆斬。博文乃遣習知邊事者密持信紙往招。至則悉貸其罪。由是減死者甚衆。朝廷下其法於他路。又言河西回鶻多緣互市家秦隴間。請悉遣出境。戒守臣使譏察之。再遷右諫議大夫。以龍圖閣學士復知開封府。出知大名。遷給事中。召權三司使。遂同知樞密院事。卒。贈尚書吏部侍郎。博文以吏事進。多任劇繁。為政務平恕。常語

諸子曰。吾平生決罪至流刑。未嘗不陰擇善水土處。汝曹志之。然治曹汭獄。議者多謂博文希太后旨。縱崇勳。傳致其罪云。子疇。

疇字景彛。以父蔭補將作監主簿。舉進士。遷太常博士。翰林學士。宋初提舉諸司庫務。薦疇勾當公事。時有宦官同提舉者。疇辭不就。用賈昌朝薦。編修唐書。仁宗獵近郊。疇引十事以諫。召試直秘閣。為開封府推官。宦者李允良訴其叔父死。疑為仇家所毒。請發棺驗視。衆欲許之。疇獨曰。驗苟無實。是無故暴人屍。且安知非允良

有姦。既而窮治。果與其叔父家有怨。累擢知制誥。以右  
諫議大夫權御史中丞。遷給事中。英宗既即位。感疾。皇  
太后垂簾聽政。後帝疾平。猶未御正殿。疇屢疏請。以時  
御朝聽政。及朝謁祠廟。會大臣亦以為言。自是帝遂聽  
政。時詔近臣議仁宗配祭故事。冬夏至祀昊天上帝。皇  
地祇以太祖配。正月上辛祈穀。孟夏雩祀。孟冬祀神州  
地祇。以太宗配。正月上辛祀感生帝。以宣祖配。季秋大  
饗明堂。祀昊天上帝。以真宗配。而學士王珪等與禮官  
上議。以謂季秋大饗。宜以仁宗配。為嚴父之道。知制誥

錢公輔獨謂仁宗不當配祭。疇以為珪等議遺真宗不  
得配。公輔議遺宣祖真宗。仁宗俱不得配。於禮意未安。  
乃建議請依王珪等議。奉仁宗配饗明堂。以符大易配  
考之說。孝經嚴父之禮。奉遷真宗配。孟夏雩祀。以倣唐  
貞觀顯慶故事。太宗依舊配。正月上辛祈穀。孟冬祀神  
州地祇。餘依本朝故事。公輔之議。違經戾古。不可從。朝  
廷以疇論事有補。帝與執政大臣皆器異之。遷翰林學  
士。尚書禮部侍郎。數月。拜樞密副使。卒。贈兵部尚書。謚  
曰忠簡。

王駿字總之。趙州臨城人。舉進士。授婺州觀察推官。代還。真宗見而異之。遷秘書省著作佐郎。知祁縣。通判湖州。累遷尚書度支員外郎。兼侍御史。知雜事。上言方調兵塞決河。而近郡災歉。民力彫敝。請罷土木之急者。曹利用得罪。駿以同里為利用所逮。黜知湖州。徙蘇州。還為三司鹽鐵副使。時龍圖閣學士馬季良方用事。建言京師賈人常以賤價售茶鹽。交引請官置務收市之。季良挾章獻嬖家。衆莫敢逆。駿獨曰。與民競利。豈國體耶。遂罷之。擢天章閣待制。歷左司郎中。樞密直學士。知

益州。戍卒有夜焚營殺馬。脅軍校為亂者。駿潛兵環營。下令曰。不亂者斂手出門。無所問。於是衆皆出。命軍校指亂者得十餘人。戮之。及旦。人莫知也。為政有大體。不為苛察。蜀人愛之。拜右諫議大夫。同知樞密院事。寶元元年。參知政事。遷尚書工部侍郎。知樞密院事。天聖中。駿嘗使河北。過真定。見曹瑋。瑋謂曰。君異日當柄用。願留意邊防。吾聞趙德明嘗使人以馬權易漢物。不如意。欲殺之。德明子元昊方十餘歲。諫曰。以馬資鄰國。易不急之物。已非策。又從而斬之。失衆心矣。德明從之。吾嘗

按王融謚號隆平集所載與傳異謹加案聲明

使人覘元昊狀貌非常。他日必為邊患。融時未以為然。比再入樞密。元昊反。融以處置失宜。罷知河南府。未幾得暴疾卒。贈戶部尚書。謚曰忠穆。按隆平集作謚文穆。東都事畧作忠穆。與宋史同。

